

13 MAY 1999

DAILY EXPRESS



KERAPU KUBING... Pakar kaji selidik akuakultur UMS, Dr Shigerharu Senoo bersama ikan Kerapu Kubing yang dihasilkan di pusat pembiakan tersebut.

UMS hasilkan Kerapu 'Kubing'

KOTA KINABALU: Unit Penyelidikan Marin Borneo Universiti Malaysia Sabah, dengan kerjasama Jabatan Perikanan dan Aqua-Vision (M) Sdn Bhd telah berjaya menghasilkan anak ikan Kerapu jenis "Kubing" di dalam marikultur di pusat pembiakan Aqua-Vision di Kinarut, dekat sini.

Penyelidikan bersama yang dijalankan sejak 1996 itu telah menghasilkan anak-anak ikan dalam kurungan seperti ikan Siakap, ikan Sunoh, ikan Kertang, ikan

Merah dan ikan Mamin.

Pengurus Besar Aqua-Vision, Tang Twen Poh berkata, penghasilan anak ikan Kerapu Kubing dibuat pada bulan Mac tahun ini, menjadikannya satu kejayaan besar sejak penyelidikan bersama marikultur dilaksanakan.

Menurut beliau, Kerapu Kubing merupakan ikan yang paling popular di kalangan para pengusaha restoran makanan, berharga RM300 sekilogram.